

FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 contesins l'un — bez subit

REDAZION: su la fontane di piazza Contarene — AMMINISTRAZION: su la fereade de Vigne

Par altre Florean al si lassara ciata, quand che corrente in Stamparie Jacob e Colasena.

Tiradure 2500 coplis.

Florean a Redentor.

Sintenemai che es Pieris al è di chell scabio, ma da bon si che o no fas di manco di sburtami fin in borg disore; e dopo, di bon cristian, o voi a dà di voli a Redentor, a viodi cemut che stan lis mes ciaris, ancelis, la diratrice che a jè une des magistrals, une bieie frute, — e 'l Plevan, dutt infervorat daur cheste gnove invenzion par fa la in Paradis dutis lis fantatis.

Ma o hai di faus une confidenze, e us e dis in t' une orele, che nissun sinti. Cun qualche migno, gnule o hai podut fa l'amioizie di une ancele, che jè 'l mior bucuignutt de sante sozietat. Si clame Vitorie, une bieie ninine e ance birichinute, paroe che chest carneval e jè stade a balà dute la gnott vistude di omp, in compagne di Malie, di Sese e di Catine, paroe che cun dute che lis ancelis i han zurat al plevan di no olè savent nè di moros, nè di divertimens, pur a no priedin tignissi di fa qualchi cuntriband, cussi di s-clamp. Cio, ance la fiature e ha lis sôs pretesis e, ogni tant un sfogo a i ul.

Dunce o ves di savè che Vitorie mi conte dute ce ch'al suced e jò, in grazie di jè, o podarai contaus ale di biell. Par esempi, a mi disè che lis ancelis, a di ogni riunon che tegnib, une a la volte i bussin l' anell al Plevan. Jò vera-menti no sai come che 'l Plevan al puedi puarta l' anell. Cialtuni nol è cun dute che al sedi un piezz ch'al tirè la gole, ma Clasesole, seben ch'al è curt, a tu cognoss avonde e al sà cun ce fur-baciott di predi ch'al ha da fa. Dotor in teologie nol è. Ch'al sedi mestri di ostetricie? Eh! 'l diaul s'al sepi!

El di di Pasche e jè stade comunion general des ancelis; ma, cun gran maravee, o ti viod, la seconde fieste, a fa un'altre comunion general des ancelis, e une siore sintade in caregon propit in coro. Ah! cheste po' no podevi glutile. Ma la me Vitorie e mi ha ditt che la seconde comunion e jè stade fate in onor di che siore, che jè une spezie di Ispetrice des ancelis di Verone. E sa

veso ce che al ha ditt el Plevan in te predice? Che lis ancelis e prejn par lui, par che si mantegui simpri grass e robust, e par che siore Vitorie e dis ance che 'l Plevan al se gioia a puarta la comunion es ancelis e classe, e al s'interesse unmont de salut di dutis; e se qualchidune e sta pòc ben al cor, subit a ciatale tal jett. Dunce e vedes che 'l Plevan al è ativ pe salut del anime e dal cuarp des sôs ciaris ancelis, e noi lasse s-clamp nissune ocasion par vindisi simpatich, amat e respetat.

Une volte e metevin i ladrons a uardia 'l sepulcri. Invece cumò 'l Plevan al metè lis ancelis, dos a la volte; e lui, che si sà, sù e jò, (come che famose piella... dai vol...) pe glesie, a tigniss a menz, paroe in chel seur, no al sa mai ce che al pò capità. A di une, puarete, debuline, i è vignut mal, e 'l Plevan pront le ha assistude e i ha prestat curis plui che paternis.

Co us dis jò che al è une perle di omp, chel Plevan! e Vitorie a mi fevele di lui cunt un tal fervor, cun tant fug, che jò no hai podut fa di manco di di: «Cio, Vitorie, non sùn a scherzà! «Jò o soi zelos, sastu: tu mi has zurat amor e fedeltat, viod di no tradimi, paroe che tu sas che o soi ami di Vinturin, ch'al ha che tal mazzuelt...» Ma Vitorie a si tacà a ridimi su la muse, e mi respuindè: «Cemut fevelistu, ciar el miò Florean, di un predi, di un sant omp?»

«Ma jò no dis nufe di mal, o replicai, ma par altri al va ben a fidassi, e a no fidassi al va mior. E ben intindut, o faserin la pàs cun d' une bieie bussade.

Prime di lassale, o hai olut fai une osservazion a Vitorie, par dile, o foi maraveat di viodi a Redentor, la seconde fieste di Pasche, dai altris babios. No voress che qualchidun al vess voe di ciolimi la man! Ma par altri e han di ve 'l so biel ce fa e ce di paroe che sintenemai che o hai de me bande che bieie frute di Vitorie, la mior des ancelis, massime quanche si viest di omp, no hai pore di nissun.

E uè us lassi; ma us visi che Vitorie a mi prometé par uè vott qualchi ciosse propit di biell. A riviodisi!

Galerie di Florean.

Il ritratt di Marc Paparèle.

— Pizzulatt, strissinit, voi di demòni,
grinte di cian rabios, plen di braure,
mustacs di fà paure,
arie di protezion, dur còme un conì:
eco, furlans, l'eroe
dal biel país, dulà che cor la Roe.

Floreaan in Tribunal.

In l'altri a si discuteve, in Tribunal civil, une cause di quartes tra 'l avocat Clasesole, nevot dal Arcivescul — ch'el puarte la barbe nere come Gaetan e Done Jacume — e 'l avocat Bepo Malisan. Te disoussion e han fatt un panadott di diritt canonich, di concordaz, di plevans, di sanz, di meracul; ma 'l biell al è stat quanche, t'un ciart pont, Vizens de barbe lunge, par su stignù lis reson dai siei cliens, al ha scugnùt de clàrà che in tal dì 20 di setembar dal 1870 'l Stat Pontifizi a l'è ha finide come 'l cian di Vignut. Cheste declarazion dal nevot dal Arcivescul e ha fatt dà une gran bacanade a chei quatri avocats, che stèvin a scoltà i coleghis Bepo e Vizens; e Bepo i dè une ciarte ociade, cun chei voglins di furbo, come ch'el voless aciaritassi s'al jere propit Clasesole chei ch'el vève confessat ch'el fò purcitat 'l Temporal tal 20 di setembar dal 1870. E sin a fièstis di Pasche, e podin ciantà *alleluja*! E s'a si tratte di crodeuols, al è temporalist anco Florean.

Chell che Florean al sint senza olè.

Gradine e Bale-ben e jerin daur a sunà miezegnott, quand ch' o sinti un cisicament su la rive dal cis-ciell, subit disott di Marie Luigie. Ohe! disèi tra di me, ce storie ise cheste? O capires che, zelos come che o soi jò, l'ore e 'l lug a mi meterin subit in suspieit. O spizzai dunce lis orellis e o scugnli persuademi che nol succedève nùje di chell ch' o vevi pòre; tant plui che Marie Luigie e durmive tanche un zocc. Paratri chell ch' o hai sintut mi metè t' une curiositat dal diaul, perchè che no hai podut capì ben il strucc de facende.

Eco cà. E jerin doi di lor che ciacàravin:

« — Indulà etàstu?

— In te cort di Brovedan. Oh! se tu sintissis, ciar tu, ce razze di sprafums, ce gust ch' al è a stà in ta che puare androne!

— Eh! o soi persuadut jò.

— Il Municipi nol si vise nance ch' a sei in ta chest mond.

— Ce ustu? Il Municipi al ha tal ciar nome di fà chei lavors, senza costrutt, che ruvinin 'l bejanz dal comun, par podè, po' dopo, tacà sù lis tassiss sui puars.

— Chest mo al è chell che no si dovaress permèti.

— Brao! e cemud?

— E po'.... tu has reson anco tu. Ma, sint mo, no si podàressial fà metti almanco un feràl, in ta che malandrete androne di Brovedan?

— Uhm! difizil!

— E fà puartà fur dai.... pīs dugg chei di-puèsiz di budièl, ch' a fasin une spuzze, ch' a s-ciafòin?

— Pies cun pies! Ciò si-podaress tentàle.

— Cùn d' une istanze?

— Ce istanze dai miei.... stivai!

— Ben, cemud po'?

— Eh! o cognoss jò une persone che s' a si mett je di miezz....

— Dimi, dimi?

— Eco. Ma 'al coventares che tu lessis propit tu a fevalh, e che tu i disessis: Siore, — perchè ch' a è une femine, — che mi fàsi un plase, che vegni a metti sù birarie te cort di Brovedan. S' a ti dis di sì, tu viodaras che la to androne e de-vente une des mior da Udin.

— Eh, diambar! Ma, cui ise cheste siore?

— Bisugne ch' o tal disì in t' une orele. E jè....

— Ah! ah! ah!

— Ah! ah! ah!

E bacanand, dugg i doi e voltarin jù par Sott-Mont, e... buine sere. Narde jò no podè sinti nuj' altri.

E intant o soi cà, ch' o mi romp 'l ciar par in-duvinà cui che sei che siore ch' a vebi tant podè di rivà a fà alt e bass anco in Municipi.

Se qualchidun lu sà, al è preat di vigni a dimàl, che la buine man i sarà donade.

Floreaan in Municipi.

Dopo che o soi vignut fur cul sfuei, mi son capitadis tantis di ches comissions, di no savè di ce bande voltami. Cui ul ch' o vadi in Tribunal, cui al Municipi, cui in Finanze, cui in Questure. Dugg e han fiduzie in me e mi dan tantis sociadis di stufà qualunque galantom.

Ir o lèi al Municipi par fevelà cul Sindich sunt une ciarte facende. Sbuelz, ch' al è 'l factotum dal Palazz, al mi vigni incuintri cu la so prospopèe dislumi:

— Di cui domandial, sior Florean?

— O hai di fevelà cul Sindich, o rispundeì.

— Ch' al feveli cun me che al è 'l instess.

— Ma s' o vess di fevelà cun vo, no ocoraress ch' o domandass dal Sindich, ciar el miò ciar Sbuelzutt!

E o lu lassai lì impastanat, jentrand te chiamare dal Sindich. Nol jere dranti nissun. Il taulin al jere plen di ciartis cul boll e senza boll, grandia, pizzullis e mezanis. Une ciarte, in boll di sessante centesims, in fonz e puartave un montis di firmis, ma dutis di feminis e sottvie e jere la firme di un predi. Curios di savè ce che volevin ches feminis, o hai lett che istanze. Ma e jere, mo' dabon

si tant curiose che o le hai copiate: e us e presenti tal e qual:

« Sior Municipi!

Noaltris o sin puaris frutatis, senze malizie e senze ingian; ma o vin une spezial amirazion par Florean dal Palazz. (*Grazie*, o disei jò, *frutatis mes*). Florean a nus ul un ben di vite, Florean a nus nomène simpri tal so biell sfuei, el plui biell sfuei dal mond, Florean po' al è moros di Vitorie, une des plui bielis ancelis dal Redentor,

No sono titui chesg, plui che bondans, par dovè protezi Florean? E crodin di si e, par ches, no altris dutis o presentin une istanze al sior Municipi par ottignì une grazie.

E disn subit in bote ce che jè la grazie, Florean al è un biell omp, grand e gruess; al ha fatezzis di fà inamora qualunque. Parchè mo' i hano mitut denant, a mieze vite, che brute covertorie, che i par tant mal, e anzit i cioll el plui biell colp di voli?

Fate cheste domande no altris e crodin che 'l Municipi al vedi capit di tirà vie subit a Florean che covertorie, e prein, cumò ance che la plazze Contarene e jè cussì biele, e prest e diventara ancimò mior, di lassà che Florean al comparissi chell omp ch'al merite di sei, senze covertoris di nissune sorte.

Lis ancelis dal Redentor.
(e jù dutis lis firmis)

Visto:

El Florean.

E podès imaginassi se cheste dimostrazion no mi ha tociat el cur: o valvi tanche un vidiell! In chell al capità 'l Sindich, e vidinmi a fifa, al mi disè:

— Isal vignut, sior Florean, par raccomandassi su la istanze des ancelis in so favor? I dis subit che no fasin nuje, perchè che jo no permett scanduj. E po' no mi disin avonde... zà si capin, ciar Florean; manciaress cumò nome che i tirass vie la covertorie! Figurali ce davo! ch'al nassaresa. No, no; mi displas par ches puaris frutatis di borg disore, ma no sai propit ce fai!

O hai vut dutt el miò ce fa e ce di par persuadè 'l Sindich che jo no i jentravi par nuje tal afar de covertorie. Lu haj salutat, ancimò cu lis lagrimis tai voi; e cun chell truce o mi soi dismenteat di fevelai dal afar pal qual o jeri lât al Municipi. O tornarai un'altre volte.

Florean a Checo Cechin

(*Letare viarte*)

Ce hastu fatt Checo miò? Ce ti isal saltat tal cial di uffrii un ghiringhell, la vilie da la guove inaugurazion de to birarie, *ex Dreher*, cumò *Liesing*, a dugg chei masse passuz, senze visati ch'al jere Vinara Sant e che, par podè mangià, o dai di mangià ai altris, chei ch' a ti comodave a ti coventave di pajâi ulmanco la bevazzone a

chei mange mocui dal *Citadin Italian*? Oh! puar mai tu! ce hastu fatt! No sintistu cumò lis maludizions di chei che pretindin di menà pal nas ance 'l so Dio?

No t'inacuazistu che l'ajar che tu respiris al è diventat tuessin? no sintistu i ramuars che ti rosein 'l cur? No hastu pôre che a ai sprofondi la tiare che tu pes-cis e ch'a ti colli su la cœce 'l tapon dal Cil? Pintiassiti, Checo! è cor a fà pini-tinze! Zà, cumò che i afars e son stracos, ance cun ciarte int a si la suje cun pôc. Un cavourin, come cun... ches ch'o si capin, e la pas e jè fate.

Dal rest, ciò Checo, ance jo o varess dutis lis rasons di vele sù cun te. Corpo e fur! Tu disis di invidà dutis lis primis personis dal pais e i rapresentanz de stampe e tu ti dismenteis di me! Come stampe lu sai che tu 'nd' has lassaz fur dai altris; ma come persone di importanze, po' vie, dulà ustu ciatand une di mior di mè? E si che jo e te o sin amis, ancimò di quand che tu vignivis a zujà di alze sott il Palazz.

Invece tu vas a invidà dute che int de pagnoche; e par difindi la cause de to gnove bire, tu mi tiris drenti ance doi avvocats, che ti han po' fatt, un un sunett e chell altri un discors. — Pètitai!

O sai ance jò che dugg e son stas contentona. Po' buscarozzè! Co si mange, si bev, si pipe, si rid e si ciente e dutt *gratis*, cui ustu ch'al sei chell muss ch'al vebi cur di no laudà i bogns bocons, di no decantà la bire, di no incensà 'l paron? Di Adam in cà, la storie a lè han fate simpri cussì.

Oh! un'altre po'. S'a jò vere, come che tu fassis stampà sui sfueis, che tu has fate une *large proviste di bire*, no tu ti ses inacuart di vè fate une buzare? No sastu che bire a s'in cioll che che covente, e che no si la mett in moreste, come che al par che tu vevia fatt tu, s'a si ha di crodì a chell che tu disis?

Ah! puars i miei bèz! Cussì malamentri ch'o ju hai butaz vie jò, a mantigniti par tang agn a la Universitat dai Pampagai!

Dat rest, ciò, buine fortune, un milion di afars e un banchett par setemane, che zà *tal spazz al sta 'l nadagn*.

O ti visi po' che prest o viarz ance jò birarie in sozietat cun Vinturin; Gradine cogo, Bale-ben sguatar, e Marie Luigie par *Kelare*. O vendarin smuee par lavà i pezzots che o ciapi su jò, fra miezz lis zarlatanadis de zornade.

Stami ben e fas judizi, se tu puedis.

Florean.

Da la zae di Florean

Florean, che altre di, al fermà 'l Sindich ch'al passave par plazze Contarene cunt une musate di fà pore. « Gabriell, cemut ise? » i disè Florean « Mi par che tu vebis l'anime androse? » — « Ce ustu, Florean! » al respuindé Vigi Gabriell « Cul sta sintaz tal caregon di Sindich, a si ha nome

« displases, ingratitudin, e no si contente niasun.
« S' a noi ere par no fai un displasè a Gustin
« Dal Predis, o vares tignut dur cu la me ri-
« nunzie; ma o seugnarai ben risolvimi. »

E mi han contat che la Comission da l'Espo-
sizion e sei lade a freà la panze nome a chei
che i comodave, e che vebi po' fatt fente di di-
smanteasi di unmong di lor, che pur e meretavin
di sei invidaz a meti in mostre qualchi ciosse di
cheli che san fa.

Ise vere?

Floreat al ha pront un bon par di ocial pal
professor Mastie, par ch' al puedi conta just la
int che va es riunionis, es conferenzis, ai meeting
dal democratiachs e dai operaris.

Chest regal i al fas vultintir parè che, par dal
impossibil, il prof. Mastie al fale simpri di qualchi
centenar col scriv la relazion su la Patrie. Cal
vedi disparat anca a conta? E si che, e disin lis
lengatis, al dovares jessi brav di conta, vind fate
une gran pratiche in Prefeture!

O hai cull une letare des purcitaris di plazze
Sant Jacum, che si lignin dal predi cont Ro-
mano, che al ul a dugg i cosg inscrivilis te fra-
terne dal Crist. Lor e disin che di cheste fraterne
a no san propri ce fa, e cròdin anca che sei dute
par cont dal Cont.

Jò no sai come che stein lis ciossis: par altri,
siccome che o hai voe di lecam i lavris, o stoi
in buinis cu lis purcitaris. Ciò, cui sa che no
capiti qualchi ame di purcitt pa l'otave di
Pasche!

A la Commission de Esposizion e son rivaz tre
bief champions di ciapiel: cheli a la *Ernani in
volanti* dal vecio Treht, la cane dal matt Dolz,
cul relativ veladon, e l'pan di zuoar dal cont
Mondin Turian (clar chell Mondin!) E forin mandaz
anca l'ciapiell e la mantiglia de comari Shur-
line, el *lorgnelt* cun relative ciadene dal dotor
Pisterne, la caveade di lane sgiarpide dal avocat
Questionne, el tabariell dal ingegnir *Pynfete*, la
pipe di pre Zuan dal Neri, ch' al fas ancimò l'
sbregott, il bonett di sior Checo dall'ostarie dai
fraris, la borse di oiaze e la spoiete dal dotor
Amicizie, famos ciazador. (El sivilott al mance
parec che lu ha inglutit.)

La Comission po' e ha unmont agradit la ra-
colte des epistolis dal apuestul Pauli ai siei fe-
dei di Sedean e di altris lugs.

Tal numar ch' al ven tirarai indenant cul elenco
dal mior ogezz che, zentilmentri, la Comission a mi
comuniche.

Floreat i raccomande a la Comission da l'Espo-
sizion di no lassà fur i quatri plui bief *brancars*
di Udin:

La carrozze dal barbe dal avocat Vizens.
La carrozze de defonte contesse Sabbadine.
El brum dal cialupi Fanton (cul cocio in
dalminis.)

El brum di Purcinele.

Zuan, el cocio di Pre Luigi Fanton, nè vott
al comprà un numar dal Floreat e, sbreganlu su
la muse dal miò segretari Antonielli, al diè:
« Eco ce ch' a si fas di chesg sfuejazz dal de-
moni! »

In ohell un so nevot, ch' al passave, lu salutà:
« Mandi, barbe Zuan! »

Veso vidut mai piesi? Ir di matine intor lis
siett e faserin un gran davo, cull donge di me.
Pupatt Momi, l'ingegnir ch' al ha tant inzepp, l'
Sindich, Marcutt, chell republican de fraterne dal
Santissin, e une sdrume di altris ciass di quatri,
cunt un casselon e faserin la prove dal monument
di Vittorio.

Di quand in ca ise vignude la mode di prova
i monumenz? Puar mestri Zuan Recamador a
no ha migo fate la fontane di carton prin di
fale di piere. Al è ver che lui nol jere ingegnir
e par chest, forsi, al saveve ce ch' al faseve.

Il Concel comunai, ir al ha decidut di meti la
lapide di Grovig al cimiteri. Sta a viodi ce che
diran cumò i parons de lapide. Jo, ch' o hai lis
orelis lungis, o hai sintut che la int e jè stufe
e strache di chei siors che menin l' muss pe
glazze lassù in Consèi, che fasin ce che uelin e
che han l'opinion publiche sott i taces. Dopo
dal gustà, dat ai tognos te sale dal Palazz, e l'
brindisi di Vigi Gabriell a Checo Bepo, a i man-
ciave nome cheste.

SERVIZI TELEGRAFICI PARTICOLAR di FLOREAN.

Romo 28 (ore di gratia i... furnimens). Gu-
stin seneos apogio Floreat, incarica Done Jacum
mission segrete par Marie Luigie.

Paulato 29 (ore de potente e tocio) Voglone
spauride consequenzis pussibilis diplomazie Done
Jacume cun Marie Luigie rompè mani frissorie.
Sgumbulament general. Done Jacume par cujetà
Voglone promett rifudà mission.

Grizzan 29 Vise tiel letors che l' Plevan
di San Zorz, chell dal crott, par no jessi nuje di
manco dal coleghe Novell, al ha implantade la
sozietat des fiis di Marié, e la fieste, te sale de
glesie, e zuejn di tombule; e lui al tire fur lis
balis.

GUIDO ANTONIOLI, gerent responsabil.

Udin, Stamparie Jacob e Colmegne.